



Saksframlegg

Temaplan kulturbygg, idrett og friluftsliv 2025-2032 handsaming før høyring

Utval	Utvalssak	Møtedato
Hovudutvalet for plan og miljø		
Hovudutvalet for oppvekst, kultur og omsorg		
Kommunestyret		

Endeleg vedtaksrett i saka har plan og miljøutvalet (PM uvalet)

Dokument i saka:

Temaplan kulturbygg, idrett og friluftsliv

Innspel frå medverknadsprosessen

Handlingsprogram – uprioritert

Liste over høyringsinstansar

Vedlegg

- 1 Handlingsprogram
- 2 Liste høyringsinstansar
- 3 Temaplan for kulturbygg, idrett og friluftsliv 2025-2032

Bakgrunn for saka:

Gjeldande plan for kulturbygg, idrett- og friluftsliv gjekk ut i 2022. Dette var ein delkommuneplan, heimla i plan og bygningslova. Dispensasjon for bruk av gjeldande plan fram til 2025 er gitt av kommunestyret. Det er no laga ein ny plan med verknad frå 2025 til 2032. Det er ikkje lenger krav om at det må vere delkommuneplan, og Fyresdal kommune har då vald å ha ein temaplan for kulturbygg, idrett og friluftsliv.

Dette er ein åtteårig temaplan for kulturbygg idrett og friluftsliv. Den består av ein tekstdel, og ein handlingsdel med hovudsatsingsområde og tiltak. Den skal vere eit strategisk plandokument som leggjast til grunn for vidare planlegging innan feltet kulturbygg, idrett og friluftsliv for politikarar og administrasjon i kommunen, men og for lag, organisasjonar og engasjerte innbyggjarar. Formålet med planen er å samordne og ha ein heilskapleg tilnærming til arbeid knytt til kulturbygg, idrett og friluftsliv.

Planen skal og vere eit verktøy for prioritering og legg grunnlag for å søkje spelemidlar til kulturbygg, idrett- og friluftsanlegg. I føresegnene til søknadsprosess om spelemidlar er det ein føresetnad at ordinære anlegg må inngå i ein kommunal vedtatt plan. Det må vedtakast eit fireårige prioritert handlingsprogram som skal rullerast kvart år i kommunestyret, dette ligg som vedlegg til planen.

Fyresdal kommune har folkehelse som eit gjennomgåande tema i tenester og utviklingsområda. Med dette som utgangspunkt, blir prioritering og anleggsplanlegging i dette feltet særst viktig.

Arbeidsgruppa har hatt fem møter, og planen er no klar til å leggjast ut på høyring i sju veker, i perioden 01.12.2024-15.01.2025. Litt lang høyringsfrist er rimeleg, då juleferie kjem i høyringsperioden.

Arbeidsgruppa består av:

Kommunalsjef kultur og oppvekst	Liv Johre Bakke
Barnas representant	Liv Johre Bakke
Idrettsrådet	Kristine Berthelsen
Politisk representant OKO utvalet	Henning Barlund
Dagleg leiar frivilligsentralen	Anne-Lise Greivstad
Avdelingsleiar kultur	Hilde Martini Momrak (sekretær)

Arbeidsgruppa valde å dele inn i fire hovudsatsingsområder slik:

Satsingsområde og tiltak 2025-2032

Hovudsatsingsområde 1:

Vi skal ha fleire møteplassar med uorganisert aktivitet

Fysisk aktivitet er viktig, og vi ser at dei unge i større grad vel uorganisert aktivitet som er tilgjengeleg når det passar dei, framfor anna aktivitet. Slike møteplassar har ofte eit sosialt aspekt, og kan vere gode arenaer for inkludering, kor fleire kan vere med.

Hovudsatsingsområde 2:

Styrke arbeidet i frivillige lag og organisasjonar

Det å styrke det frivillige arbeidet og dyrke eldsjeler, er viktig for Fyresdal. Lag og organisasjonar strevar med rekruttering til verv og liknande, så det er ynskjeleg å stimulere til å drifte dei laga ein har godt, og stø opp om det gode arbeidet som gjerast.

Hovudsatsingsområde 3:

Friluftsliv for alle:

Å legge til rette på aktivitet i friluft veit vi er bra for folkehelsa, både fysisk og psykisk. Å legge til rette for arenaer for inkludering og involvering for fleire på tvers av samfunnslag er ynskjeleg, fleire skal med!

Hovudsatsingsområde 4:

Meir bruk og fleirbruk av nye og eksisterande kulturbygg, idrett og friluftsanlegg:

Det er gjort ein god satsing over år på anlegg og kulturbygg i Fyresdal, så vidare hovudsatsing er fleir- og meirbruk på eksisterande anlegg. Nokon nybygg og planlagde anlegg er tidlegare omtalt og vil kome fram i tiltakslista.

Tiltaka er lagt inn under dei forskjellige hovudsatsingsområda.

Arbeidsgruppa ynskjer å presisere at planen har eit overordna og langsiktig perspektiv, og at tiltaka er tekne med på bakgrunn av innspel og drøftingar. Delar av dei er og føreslegne inn i handlingsprogrammet og ligg som vedlegg til planen.

Dersom det ikkje er økonomi eller ynskje til å gjennomføre alle tiltaka i den rekkefylgje som kjem fram, er det likevel eit klart ynskje om at tiltaka skal stå i planen.

Planen skal ha eit overordna og langsiktig perspektiv, og må vere noko å strekkje seg mot.

Vurdering:

Saka er vurdert ut frå i Kommuneplanen sin samfunnsdel Fyresdal kommune 2023-2035; Strategi for samfunnsutvikling, kultur og frivillige.

Kommunane er pålagt å ha planer for kulturbygg, idrett og friluftsliv. Planen skal vere eit viktig styringsverktøy for fagområdet, og vere grunnlag for søknadar om spelemidlar.

Planen blir lagt ut på høyring jfr. Vedlagte liste over høyringsinstansar.
Ny sak med kommentarar til høyringsforslaga blir då å handsame og endeleg vedteke av kommunestyret.

Konklusjon:

Temaplan for kulturbygg, idrett og friluftsliv blir lagt ut på høyring i perioden 01.12.2024-15.01.2025, med høyringsfrist 15.01.2025.

Innstilling frå kommunedirektøren:

Temaplan for kulturbygg, idrett og friluftsliv blir lagt ut på høyring i perioden 01.12.2024-15.01.2025, med høyringsfrist 15.01.2025.

Ulf Pedersen	
Kommunedirektør	Hilde Martini Momrak
	avdelingsleiar kultur